

Iluarsiissut
Akissuteqaat imm. 125 06.03.2026-meersut taarserpai
(Susassaqarfiit agguataarnerisa allanngorneqarnerisa kingunerisaanik)

Nunatsinni kommunit kattuffiannik nutaamik pilersitsisinnaanissamut periarfissat pillugu apeqquteqaat aallaavigalugu siunnersuut
(Inatsisartuni ilaasortaq, Bentiaraq Ottosen, Atassut)

Akissuteqaat

(Isumaginninnermut, Suliffeqarnermut, Ilaqutariinnut Nunamullu Namminermut Naalakkersuisoq)

Siullermeerneqarnera

Inatsisartuni ilaasortamut, Bentiaraq Ottosenimut kommunit suleqatigiinnerat pillugu oqallinnissamut pilersitaqarneranut qujanaq.

Pisortat suliassaannik iluarsiiviginnittarnerup ilaanik kommunit annertuumik isumaginnittuupput, sumiiffigisamilu tamat oqartussaaqataaneranni isumagineqarfianut qitiupput. Kommunit suleqatigiinnerannut ataatsimoorussatut, aaqqissuussiffiusutut toqqammavimmik peqanngikkaangat sananeqaatsit najoqqutassialigaannginnerusut paarlakaannerusullu aqqutigalugit oqaloqatiginninnerit ataqatigiissaarinerillu nalinginnaasumik pisarput. Tamatuma suleqatiginninneq inummut pisoqarfimmullu tunngasuutinnerulersinnaavaa, aammalu ataqatigiinnerup, ingerlataqartuarnep, paatsuugassaangitsutullu attaveqarfiit sumiiffigisassaannut qularnaariniarnermut naleqqiullugu kommuninut aamma Naalakkersuisunut annertunerusunik piumasaaqatissiisinnaapput.

Taamaalinerani kommunit namminersortuunertik pillugu tunngavigisamik attassiniarneranut tamanna aalajangiisuvoq. Kommunit tassaapput oqartussaqarfiit namminersortut, tamat oqartussaaqataanerat malillugu qinigaasoqarfiit, taamaattumillu kommuninut ataatsimoorussatut nuna tamakkerlugu peqatigiiffiusinnaasoq kommunit namminneq akisussaaffigalugulu toqqagassaraat.

Kommunik suleqatigiinnermik ingerlalluartumik, tamanillu paasinniffigisinnaasamik, paatsuugassaangitsutut akisussaaffigisat inissisimaffillu immikkoortiterinerinik tunngaveqartumik Naalakkersuisut soqutigisaqartuupput.

Kommunit namminersortuunerannut, aqutarineqanngitsutullu ingerlatsinerannut toqqammavigisat iluini kommunit namminneq nutaatut ataatsimoorussatut aaqqissuussiffimmut periarfissanik oqallinnissamik kissaateqassappata Naalakkersuisut apeqqut ammasuullutik, aammalu oqaloqatiginninnissamut piareersimallutik naapinniarpaa.

Kommunit ataatsimoorussatut soqutigisaminnik qanoq aaqqissuussinissaannik toqqagaqarnerat tassaavoq apeqqut pingaarutilik, tamat oqartussaaqataanerannut tunngavigisamik, akisussaaffigisallu agguataarnerannik ataqqinnilluni paasineqartariaqartoq. Taamatut oqaaseqaateqarlutik sammisaq pingaarutilik taanna pillugu oqallilluarnissaq Naalakkersuisut qilanaaraat.